

# 太极大道元景君道经第十六

“

太极大道元景君道经第十六

上清大洞真经卷之三

茅山上清三十八代宗师蒋宗瑛校勘

## 肝中四真章

谨请肝中四真青明君，字明轮童子，常守兆胃脘之户，膏膜之下死炁之门，使三素之炁生华，五淳之神侍卫，出入玉液，灌泽胃宫。

真思肝中四真青明君真炁，青云之色，罩于顶上，乃默呪曰：

四真常生，青光华精，徘徊秀朗炁，沉冥玉景庭，提携高上元，俯仰要五灵，拔解七叶根，与我保华婴。



次思青炁从兆泥丸中入，兆乃口吸神云，咽津四过，结作四神，青衣冠，下布胃脘之户膏膜之下，神与司命丈人为侍立，左三右二，顺时吐息。

诵玉经。

## 大洞玉经曰

太极元景王太极王者，三天摄神生，紫素翳郁办紫素名，安来上紫素字华京，拔出五苦积，反胎七元庭，七玄解重结，累祖络锦青，徘徊秀华山名下，俯仰要平声五灵，兆身升玉堂，五神回孩婴，俱济太漠外，养素朝圆明。

## 高上神霄玉清王祝曰

帝室混身，一道万分，万分合别，是曰帝一，白帝皓灵曰帝名，金霞回日，重冥幽寥阴神名，藏神化密，把兆五符，与天相毕，玉晖覆盖，无死无疾，七祖父母，超登丹室，胞根八解，死符绝灭，帝得五元，我回三七，六府焕华，金书羽札，世为真仙，宝策玄别，华繁曾玄，世无曲折。


毕，乃口微祝曰：

天上内音，徊因明，神初罗。

地上外音，晖履安，固止身。

### 大洞肝中四真青明君消魔玉符

诀曰：当朱书青缙，佩之，存呼青明君内讳名字，镇我胃脘之户，断死炁于玄门，受生神于自然，固三素于九府，明咽玉液以灌真。乃叩齿四通，咽液四过。



🕒版本号 #1

★由 上清持伟 创建于 11 一月 2023 03:00:15

✍由 上清持伟 更新于 11 一月 2023 03:01:29